



O Corpus de Referencia do Galego Actual pódese consultar en Internet

LA VOZ | SANTIAGO

■ A secretaria xeral de Política Lingüística, Marisol López, presentou a nova versión do Corpa (Corpus de Referencia do Galego Actual), unha base documental das formas ortográficas elaborada por un equipo do Centro Ramón Piñeiro de Investigación en Humanidades baixo a dirección de Guillermo Rojo, catedrático de Lingüística da Universidade de Santiago e membro da Real Academia Española (RAE).

Este Corpus acadá preto de 20 millóns de formas trala incorporación de seis millóns máis de texto producidos dende o ano 1975, extraídos de xornais e outras publicacións periódicas, ensaios e literatura de ficción.

A novidade é que está nova versión do Corpa está dispoñible en Internet dende o pasado día 12, polo que os investigadores e estudosos en lingua galega poden consultalo no enderezo <http://corpus.cirp.es/corgaxml/>, de forma gratuita solicitando unha clave de acceso.

As buscas neste conxunto de formas ortográficas pódense facer por palabras ou por expresións, por tipos de texto, épocas, áreas temáticas ou calquera combinación dos parámetros anteriores.

Investigadores da USC adaptaron un método de avaliación por primeira vez en España

Os nenos bilingües fan frases complexas antes que os monolingües

O estudo foi aplicado a 1.100 cativos con idades comprendidas entre 8 e 30 meses

LA VOZ | SANTIAGO

■ Os nenos bilingües de Galicia son máis precoces á hora de facer frases que os monolingües, segundo un estudo realizado por investigadores do departamento de Psicoloxía Evolutiva e da Educación da Universidade de Santiago, coordinado polo profesor Miguel Pérez Pereira.

O traballo levárono a cabo entre 1.100 cativos de idades comprendidas entre os 8 e os 30 meses aplicando as escalas MacArthur-Bates de avaliación das habilidades lingüísticas e comunicativas, que foron adaptadas polo citado equipo da USC por primeira vez en España e en galego. O resultado foi que os nenos e nenas que falan galego e castelán constrúen frases máis longas e complexas, antes ca que só falan unha das linguas.

Segundo o estudo, as diferenzas individuais entre nenos son «extremadamente altas», pero a pena detecta distincións entre sexos, e mesmo que a orde de nacemento (se é o primeiro ou o seguinte de varios irmáns) é unha variable que afecta ao desenvolvemento lingüístico na etapa dos 16 aos 30 meses,

porque detectan que os que naceron en primeiro lugar producen un vocabulario máis amplo, fan frases máis longas e complexas e empregan unha linguaxe máis despegada do seu contexto inmediato. O nivel de estudos e a profesión dos pais incide na comprensión e no uso da linguaxe dos pequenos para referirse a lugares, tempos, accións cousas e persoas que non están presentes, e tamén en que fan frases máis complexas.

As escalas MacArthur-Bates foron adaptadas a 25 linguas diferentes, pero en español só existe unha versión realizada en México. A adaptación que fixo o equipo da USC é a primeira en España e para nenos galego, e foi aplicada despois en vasco, español e catalán. A súa importancia radica na existencia de instrumentos equiparables en distintas linguas para facer estudos comparativos do desenvolvemento dos nenos de distintos países. Pero sobre todo, como salientou o profesor Pérez Pereira, permite dispoñer de referencias para identificar a pequenos con retrasos no desenvolvemento lingüístico, e situar os niveis idóneos para calquera neno ou nena.

A nova campaña de promoción á lectura que está en marcha ate maio chegará a 4.500 escolares

LA VOZ | SANTIAGO

■ Co lema *«Unha aventura diferente»*, iniciáronse ás actividades da sétima campaña de promoción á lectura que organizan conxuntamente a Concillería de Educación e Mocidade compostelá e a editorial Kalandraka, coa colaboración da galería Sargadelos, onde se desenvolve ate o 5 de maio o programa e en cuxo espazo estará montada unha exposición de libros e ilustracións.

As previsións, fundadas na experiencia dos últimos anos, son que participen na campaña 4.500 alumnos de 5 a 7 anos dos centros escolares

da cidade e do seu entorno. O obxectivo é achegar aos pequenos á lectura a través dos contos, e procurar favorecer unha capacidade crítica para que sexan lectores selectivos e con opinión de seu.

A oferta de actividades esténdese ás librarías da cidade, charlas para pais e educadores e talleres de ilustración. Os docentes foron convidados a unha presentación da campaña, e este serán ten lugar unha charla coloquio para docentes e profesionais que traballan con nenos con necesidades educativas especiais e colectivos sociais específicos.

Unha maratón infantil e xuvenil na Fundación Granell para ler «Alicia no país das maravillas»

LA VOZ | SANTIAGO

■ Un dos libros máis universais e coñecidos por pequenos e adultos, *Alicia no país das maravillas*, é a obra elixida para a maratón de lectura infantil e xuvenil que se celebra hoxe na sede da Fundación Eugenio Granell, no Pazo de Bendaña. Está organizada pola devandita entidade e pola Asociación Galega do Libro Infantil e Xuvenil (Galix).

A maratón iniciase ás 10.00 coa lectura por parte de Mercedes Rosón, membro do padroado da Fundación

Granell, e de Miguel Vázquez Freire, directivo de Galix. As quedas seguirán ate as 14.00 horas, e pola tarde serán de 16.00 a 20.00 horas. Os profesores dos centros escolares que participen poderán organizar as lecturas individualmente ou en grupos, con representacións teatrais e outras propostas arredor da obra de Lewis Carroll.

Os participantes dispoñan de versións da obra en galego e en castelán, e poden ver a exposición con obras de Philip West arredor do mundo de Alicia.

LOS PLANETAS
27 abril
22h
21€ / 25€

Entradas: Tiendas Tipo Centros Carrefour · ticketticket.com
SALA CAPITOL · info en www.salacapitol.com

CONVOCATORIA ASAMBLEA GENERAL ORDINARIA A.E.P.L.T. 2007

Por la presente se convoca a todos los socios de la Asociación de Empresarios del Polígono Industrial del Tambre a la reunión de la ASAMBLEA GENERAL ORDINARIA, a celebrar el próximo 18 de ABRIL a las 19:30 horas en primera convocatoria y a las 20:00 horas en segunda, en los locales de la Asociación situos en el Polígono Industrial del Tambre, Vía Edison, 1, con arreglo al siguiente:

ORDEN DEL DÍA

- 1.- Lectura y aprobación, al procede del acta de la última Asamblea
- 2.- Informe del Presidente
- 3.- Estudio y aprobación, al procede, del Balance y Cuenta de Resultados de 2006
- 4.- Estudio y aprobación, al procede, del Presupuesto de Ingresos y Gastos para 2007
- 5.- Elección de Presidente y renovación de miembros de la Junta Directiva.
- 6.- Ruegos y preguntas

Santiago de Compostela, a 28 de Marzo de 2007
EL PRESIDENTE: Manuel Castro Varela

SALA YAGO

Río do Vilar 51-53
15705 SANTIAGO
Tel. 981 589 288
sala@salayago.com
www.salayago.com

Distraerse al volante es pasar por alto muchas cosas.

Prevenir es vivir. **Cruz Roja**
902 22 22 92
www.cruzroja.es

Preto de 5.000 entradas vendidas para o concerto de Maná do 22 de xuño no Monte do Gozo

LA VOZ | SANTIAGO

■ O reclamo do grupo mexicano Maná refléctese nas 5.000 entradas vendidas cando faltan case tres meses para o concerto que darán no Monte do Gozo o 22 de xuño, dentro do programa NetClub Caixa Galicia.

Este concerto de Maná é o único que a popular banda ofrecerá en Galicia na xira *Amar e combatir. Tour 2007*, que os traerá a varias capitais españolas este verán.

As entradas para escoitalos en directo no auditorio ao aire libre do Monte do Gozo pódense mercar anticipadamente e por 28 euros nos canais de venta habituais de Caixa Galicia: no teléfono 902 43 44 43, e no portal www.caixagalicia.es, sendo un 15% máis baratas para os titulares da tarxeta NetClub Caixa Galicia. O prezo único en taquillas o día do concerto será de 30 euros.